

宋詩紀事補遺

宋詩紀事補遺卷之二十四

歸安陸心源伯剛父輯

施常

尤溪人元豐二年進士永福縣令

三聖殿

白雲來去自閑閑鎖斷千山與萬山仙客已歸霄漢
去虛堂流水漫潺潺

步盡千山與萬山白雲步處叩禪關曉猿夜鶴應相
笑笑問勞生幾度閑三山志

時彥

字邦美開封人元豐二年進士第一人元祐中
通直郎兵部員外郎集賢校理祕閣校理河東
轉運使崇寧間知廣州充廣東兵馬都鈐轄兼
安撫經畧使餘見宋史本傳

留題南山

青松夾道英州路終日千巖萬壑間唯是看山心不足又攜兵坡看南山

廣東通志
金石畧

陳瓘

厲有

答瑞巖湛老

示我超然句能令滯念開盍移瑞巖刹爲我入城來

和鄧鯁之韻

十三年謫海邊州洛口相望阻獻酬曾寄遠詩來合浦又傳新句落丹邱身如古柏童童老心似平江湛湛流歸鳥倦飛雲入岫一瓢堪樂莫回頭

天台別編

垂虹亭

三年爲吏住江濱重到江頭照病身滿眼碧波輸野鳥一蓑疎雨屬詩人隨船曉月孤輪白入坐羣山數點春張翰英靈應笑我綠袍依舊惹埃塵

吳都文粹續集

和江民表韻

傅老東山水上浮玄沙六月雪重裘舊來消息今何

在千里桐江月滿樓嚴陵

集

藏春峽四首

主人心地冷如灰只把園花取次栽
峽外漫多閒雨露直須併此入山來

花落花開蝶自忙琴閒書札日偏長
我來不爲看桃李只愛幽蘭靜更香

朝廷鶼鷀日振振不道天涯亦有人
弟勸兄酌無可恨歡然別是一家春

孺子無心作聘君使君懸榻意何勤
世人不道芳蓀好可是清香不遠聞

南平縣志

王汚之

常山人元豐二年監東作坊門河南左軍巡判
官見長編三百一卷

劉阮洞

流傳晨肇隱無蹤搜發仙源屬鄭公百尺靈泉清澈
底千尋蒼玉勢凌空飄香故跡人雖到採藥嶺崖路
不通二女深沈斷消息桃花依舊笑春風

天台續集

龐元英

字懋賢單州人丞相籍之子元豐二年羣牧判
官都官郎中五年爲主客郎中元祐三年中散

大夫鴻臚少卿知晉州撰文昌雜錄四卷見通鑑長編

夜宿垂虹亭舟中有感而作

離家無數里客思便侵凌久撥爐無力頻翻被有稜

孤燈如得伴哀雁擬傷矰怪底寒清冽推篷露氣凝

吳都文
粹續集

賈青

字春卿韓城人昌黎子累官大名通判庫部員外見文潞公集元豐二年朝奉大夫祠部郎中福建轉運使四年湖北轉運使元祐元年以違

法督責責監衡州酒稅紹聖中知蘇州見長編

釣臺

萬疊層峯夾兩溪雨餘清氣却炎暉何時學得嚴陵
斂先盡塵襟臥釣磯

嚴陵集

黯淡院

溪聲灘外急草色雨中深客意自南北山光無古今
真地紀勝

唐最

字夢得福建懷安人元豐二年進士終朝

□大

夫

安適軒

聽潮音坐看山煙蘿靜處閉禪關都將物外紅塵
隔占得壺中白日閑吟罷寒猿號木未定同清磬落
雲間高僧隱几無餘事應笑勞生去又還三山志

陳情

字君美建安浦城人元豐二年朝散大夫直集
賢院度支郎中爲廣西轉運使

真仙巖二首

神仙遺像出天然造化胚渾豈易言訪古尋幽空
惹白頭軒冕戀君恩

鹿龍高躡九霄難共駕仙車去不還遺跡至今空有檜不知蟬脫此山間

廣西通志山川

曾公巖

源流承襲孔門賢姓氏今題洞穴間傳說功高傳巖野謝安名著謝公山激泉救旱爲霖雨磨石書勲破海蠻應共白雲同一意帝鄉歸去未能還

廣西通志金石

老君巖和劉誼韵

白石天然肖老君泉聲如誦五千言虛無妙道無人繼却使浮屠冒寵恩

尹喜當年共出關流沙一去未嘗還必應精爽游南

越變現形儀洞穴間

鄭至道

至道字保衡福建莆田人元豐三年進士厯知天台樂昌二縣著有琴堂諭俗編錦囊四集

劉阮洞

採藥歸來世代賒洞門方此掃煙霞碧潭清泚弄明月翠巒高低飄落花芳草已迷當日路白雲空想舊人家自慙不是浮觴侶謾向山前醉帽斜天台

續集

家彬

字中孺見范太史集眉山人元豐三年進士哲

宗朝爲尚書吏部郎中六持使節贈銀青光祿大夫見鶴山集家炎墓誌銘有學行爲士林所尚見呂陶淨德集家定國墓誌

題南龕寺

晶下梗楠秋復春當年觴詠悉名臣舊遊已去成陳述佳句還如見古人

極目江山依夕照回頭城市隔囂塵登臨未久還西去堪愧芸夫每問津金石苑

張莊

應天府人元豐三年進士累官集英殿修撰知

宋史有傳

陪龍圖閣直學士經畧王公若愚與提點刑
獄劉子至提舉學士唐夢傅觀稼近郊遂過
傲雲諸閣大觀元年五月十六日

山甫遄歸有詔期省耕聊復耀幢麾翠岑恰似千旗
密綠野何妨萬馬馳鶻鷗精神元老貴鼎彝功業太
平時自惟晚進誠天幸偶附台驪每處隨宋詩拾遺

彭講

廣有

老君巖次劉誼韵

仙馭凌雲去幾年九流空苦道家言何人懷古求遺

像巖穴長蒙雨露恩

儼然鶴髮與龍顏誰道乘風不復還渾俗何須窮變化或來塵世或雲間

廣西通志金石

松石峯

同登雲級上危巔松石嵌崟掛晚烟好是回頭遙望

處海波如帶石如拳

三山志

姚舜誥

元豐三年以承議郎通判台州

題共樂堂

秀氣清陰日滿前仙瀛蓬闕景都全綵舟畫楫魚噴

浪綺席金爐膚吐烟懽勝更思明月夜飲酣惟恐夕
陽天屢陪公靜遊東游常以城闕之阻爲恨也主人報政榮塗近淮浙重
遊路接連

題東掖山承天院

面勢崔嵬插斗牛東分一掖鑄丹丘玉毫金相祖師
會院有九祖閣泊十八羅漢堂焉寶帙琅函海藏流蒼檜茂林常蔭
映白蓮香祖共熏修承天自蓮舊同一院紅塵斷處人難到俗
駕經年始此遊予官此已二年今方一到天台續集

張硯

福建沙縣人祖若谷父奎硯元豐二年官國子

博士王荊公外甥見臨川集

題迎薰閣

解愠風來處朱甍起舊城條山供偃蹇鹽澤借澄泓
龍廟疑飛出蓮宮若化成亂雲堆素彩遠溜集幽聲
逸驥騰前路鳴鳶激去程散眸襟抱爽翹首骨毛清
歡席多嘉客豐郊少困氓鼓琴歌渙澤擊石樂承平
鉅肇重華榜高吟刻萃瑛雖無丹艤構三絕足垂名

山西通志

郭霖

字望之臨安人元豐四年解元

送蘇錄事赴虢州

白首舊相知茅津此去時馬驕青草色柳綰綠烟絲
落日曹瞞淚荒城虢仲祠聖朝深雨澤寧必歎衰遲
西耕

鑿田喜得傍湖堤湖水春來好灌畦躬稼自名姓
沒不妨寂寞老巖棲

蘇三茅直抵紫陽觀

一上雲山思便幽長松怪石坐淹留乘風直造神仙
窟零落烟霞滿杖頭

宋詩拾遺

翁績

績福清人元豐五年進士政和末上書言遼人
趙良嗣董才來降生邊隙請斬二人以堅遼好
宣和初知熙州劉法伐夏敗沒童貫以捷聞績
感憤作詩

感憤

千里寒沙遺白骨一番新鬼哭黃雲偷生同惡終相
蔽安得忠誠達聖君

福清縣志

郭思

儀徵人元豐五年進士

劍門

斷石爲梁鐵作樞武侯於此濟師徒鞭山怒氣金鰲
伏架壑宏模玉竦據

輿地紀勝

余深

字原仲羅源人元豐五年進士累官御史中丞
蔡京力引擢吏部尚書轉門下侍郎加少保宣
和元年進太宰封豐國公宋史有傳

奉和御製頒賜荔枝

結實寧辭火後山移根今照日華丹來從南海航千
里賜比西山藥一丸封植自憐依禁蘚芬芳無復耀
幽蘭萬年枝上風光別嘗奉宣和燕暇看

奉和駕幸西池

春深瓊苑百花明拂曉鑾輿下太清綵仗六軍嚴禁
衛虹橋干步跨仙瀛講脩禊事垂遊豫欲與民心樂
治平扈蹕兩經來此地獨慚衰颯玷恩榮

奉和御製上巳日賜宴二首

晴日氣暄埽都人祓禊初湛恩施雨露清宴集冠裾
風織波紋細晴牽柳線舒太平多盛事恩許樂于胥
紀元新厯布修禊暮春初愷樂傳恩舜榮光動拜祝
宸章爭日麗聖澤與陽舒欲識天臨遠殊方屬象胥

奉和御製中伏入延福宮納涼

節逢中伏許休閒錫宴清都絳闕間俯仰自驚希世
遇低徊終愧異恩頌連雲竹影含風遠撲面荷香擁
棹還施厚眷深知未報獨憐疲瘁已衰顏

春和御製睿謨殿賜宴

睿謨賜宴預英良翠輦鳴鞘出紫房閨苑羣仙環帝
所洞庭萬橘薦秋香芬芳發實容饗腹咫尺天威許
捧觴日暮歸來自天上恍然塵慮頓消忘

奉和御製御樓及睿謨殿觀燈

觚稜金碧雪消殘燈火東風破暮寒扇影開雲瞻日
表月華如露泛仙盤天顏有喜同遊豫雅俗多歡樂

治安航海陪臣驚遠日蓬瀛今向帝城看

元宵欲近臘光殘宮殿森嚴夜氣寒金碧相輝花影動雲烟低覆瑞光盤臣心共慶千齡會國勢方隆九鼎安寶祚化成天上事恍疑身在夢中看

奉和角樓特宴

東樓預宴對天顏身世渾疑在廣寒妙舞清歌來禁殿江苞海錯入珍艦民心康樂時光好樂奏和平化國安詔許景龍歸緩轡宴罷許由景龍門歸馬行看燈都民竟作異恩看

春和御製佑神觀觀燈從駕

月華迎仗翠輿還冉冉春光暖破寒蓮炬浮雲星漢
遠鼇峯徹夜燭龍盤況逢節好民風樂自是祥多國
祚安萬井謳歌歸聖德年年長擁路旁看

奉和御製禁苑花開社日錫宴穠華閣

蓬壺何幸又重來湛露濃恩宴喜開延福宮中聽度
曲仙桃花下許傳盃

文杏天桃次第開宣遊叨豫賞花來飲歸帝所層城
暮恍若鈞天一夢回

閨山縈繞鎖春風竹密花深隱映中行到夾城催錫
宴禮華西畔看繁紅

奉和御製宣召遊龍德西園

禁籞秋光覩物華飄然清思浩無涯沙邊橋下淺深
水岸側竹間紅白花

奉和御製龍池

萬國恩波浸太平清風和氣入歡聲一詩榮遇眞千
載共慶壬辰值此生

奉和御製重陽宴西園

黃英紫蕊映雕觴拂拂風生酒面光佳節難逢恩更
厚坐令秋律變春陽以上羅源縣志

耿南仲

厲有

延祥寺

羅浮仙客隱準擬訪丹臺爲身將老逢山眼倍開

月依松上過風自竹間來僧欲延清話茶香屢撥灰

羅浮

題丹寵四首

禪川初隱地山遼狹如城寶鼎丹何在雲衣骨亦輕
金鼎交龍虎當年想閉局一丸丹既就五色土猶靈
始知勾漏地猶勝步兵營往躅今誰繼遊人空慕名
過客空尋訪飛仙已杳冥他山多可買歸去讀黃庭

羅浮

山志

徐元

歸安人元豐五年進士

題白雲軒

不作從龍意無心漫出山可憐一片雪長伴至人間

天台續集

孫大廉

候官人元豐五年進士官通直郎

淨土院

流水元依澗孤雲不着山萬綠機慮斷一點淨明還
立雪人何在啣花鳥自閒羣昏疑網破雄論落人間

白蓮開綠水佛子舊家山淨境無南北塵心有去還
林深天籟遠風定水雲閒何日逢旌騎重來翠巒間

天台

續集

黃奕

建州建安人元豐五年進士○又入淳熙中

廣西漕屬

見廣西通志金石臨桂水月洞題名

北樓

雷州

百尺危樓四遠明人從鰲背戲滄溟乾坤到處皆在
目山海何人更作經輿地

張湜

歸安人

一作丹陽人

元豐五年進士熙寧中太子中

舍長子詞翰兼能篆○又一人楊愬外弟

雲頂山

石間佛足明如玉山外神光散作燈

輿地紀勝

毛注

字聖可西安人元豐五年進士大觀中累官侍
御史終于左諫議大夫提舉洞霄宮著有奏議
文集宋史有傳

仙居寺

瀟洒仙居院樓臺烟靄中夜泉清浸月午鐸冷搖風

轉目已成昨累名俱是空一尊林下醉此興與誰同

水簾泉

織水簾珠未是奇舒王留詠奪天機神光已比箕星
列文焰長依舜日暉一沼蛟龍涎半積兩檣鸞鶴勢
雙飛名山從此留傳誄自昔因人重發揮江山縣志

王藻

建安人元豐五年進士

仙壇石

仙人駕鶴上三清壇石空留萬古名夜靜碧天星斗
爛不聞朝禮步虛聲建寧府志

石龍泉

一脈靈源來已長，色濃如醴味甘香。
石龍動處無塵

染留與仙家作玉漿

建鹽府志

劉拯厲有

破山八詠

元豐元年蘇州常熟縣沙門思莊謁余言曰海虞之勝鍾於破山然林泉之勢遊觀之繁無近與遠傳之盛矣自倪郴州舍宅爲寺數百年間僧人奇士往往間出而人知者願有以發明之余因請而詠其可道者俾靈蹤異跡不掩于山

水之勝云

興福寺

峩峩烏日山曾臨貴侯宅重房昔珠翠峻宇煥金碧

泉激晨霞明松搖暮雲白宜爾山中人日輪自朝夕

文舉塔

圓旨探雙林卮言發南華萬里歸一空誰云正非邪

門影搖青松曾迴貴侯車猶遺數層塔岌岌凌飛霞

救虎閣

三昧遊深蕊結宇依蒼崖猛虎伏巍閣拔箭非忘骸

窮獸雖覆車危雀猶投懷况我見己忘而彼猶其儕

龍闢澗

白龍鬪巍峯長澗落千尺靈泉應奇蹤高連暮雲碧
寒影凌滄崖澇流動危石八月苗正枯猶能變甘澤
體如塔

妙理悟三伊巍巍抗奇節千尺巖下松蕭然獨凌雪
珠影雖青黃月輪豈圓闕危石揚寒泉至今伴清絕
宗教院

妙義傳天台迷雲淨如掃初終雖五時修短自三草
結隱非此峯獲藏亦貞寶秋來月正圓獨照松已老

御賜鐘

大聲扣洪鐘萬里來彤庭鳥閑樓影重星淡雲氣清
餘響遶巖壑林葉如迴鶯有客發深省塵耳非謾傾

中峯

躡徑登高亭天遠不敢局疎簾捲危簷百里在舉目
江橫縞帶明山隱螺髻綠啼鳥破長烟飛泉漱寒玉
雲回猛虎嘯清風繞巖谷颺颺入青松古淡琴一曲
倚欄更凝望斜陽上修竹欲去還遲遲勝槩那可足

琴川志

錢師孟

元豐六年以內殿承制權知融州

真仙巖二首

巨石何爭此結成老君有像亦難名以身爲患言猶在漫使當時分重輕

巖前流水碧潺潺鶴馭翩翩去復還堪笑世人求不死豈知得道有無間

柳州府志

李拯

元豐六年知南城縣政平訟理

題紅泉

一片寒泉下翠巒彩虹飛出亂雲端紅流傳是靈砂
液深處應藏九轉丹

輿地紀勝

郭茂倩

字德粲東平人元豐七年河南府法曹參軍通音律善漢隸父源明初名元廢官至職方員外知單州軍州事蘇頌誌其墓茂倩著有樂府詩集

石橋

石橋庵下少徘徊雪暗松林撥不開坐久無人天向午雙鳥飛上施生臺

天台續集

鍾離景伯

元豐七年通州守

通州地藏牡丹一梗開花五朵

春風榮萬木此卉異常葩海角逢三月僧房見五花
馨香驚俗眼爍爛照高牙公子休追賞如來會上誇

通州志

張大亨

字嘉父晉川人元豐八年登乙科官至直秘閣
著有春秋通訓十六卷春秋五禮例宗十卷事
蹟詳湖州府志文學傳

失題

方寸平田便有餘子孫無復廢耕鋤已將不死爲嘉

種更向無何築隱居

吳興藝文補遺

黃伯厚

福州人元豐八年進士

椒屯墟

喬木村墟十里秋魚鹽微利競蠅頭平坡淺草眠黃
犢小渚輕波泛白鷗竹外客喧山市散柳陰人醉酒
旗收清幽彷彿西湖上惆悵歸來獨倚樓

邵武府志

梅蟠

字子升歸善人元豐八年登第授迪功郎多才
博學鄉人稱曰梅夫子惠之江山多所留題詩

蓋千篇

何仙姑祠

昔聞謝自然今祠何女仙昌黎久不作奇事相留傳
當其始生時紫雲光燭天煉服雲母丹紅玉飛瓊烟
窈窕顏不老霞帔尚翩翩琪花露含藥瑤水月在蓮
恍若坐深閨真息長眇綿左攜魏夫人右挾夏嬪娟
不入天台路永同龍漢年

粵詩
菟逸

登第歸日句

滄海有風鵬翼健青雲得路馬啼輕

粵詩
菟逸

虞賓

字舜臣餘姚人元豐八年進士紹聖中宣德郎
知長洲縣組治姦吏一縣屏息崇寧初累官比
部員外知徽州

秋日陪幕中諸公泛舟虎邱而慈雲已退院
相期到虎邱出郭始乘舟曠野雲山路平原水國秋
客心還未喜木葉已先愁那得真僧在重教石點頭
虎邱志

朱蒙正

字養源邵武人黃履之甥元豐八年進士調江
都簿擢都昌令官至司農寺丞

蘿纓亭

風浪江頭正激湍小亭溪上水平寬濯纓不作彈冠
想一曲滄浪釣雪寒

邵武府志

李熙載

字伯先德慶州人元豐八年進士元符間爲廣
南西路計度轉運使官至朝請大夫

九里巖

今屬羅定州東安縣

巖穴玲瓏幾度秋簪峯高插聳鼈頭化人舊有阿羅
漢喜客今逢老比邱石罅日聞甘露滴山間時見巖
雲浮靈巖特爲南鄉設從此生賢繼不休

句

一門華忠孝竹帛寫家聲

贈伍仕階
粵詩蒐逸

許轂

晉安人元豐八年進士紹聖間知龍溪縣

句

一條碧水練鋪地萬疊好山屏倚天

輿地紀勝

許敦仁

仙遊人元豐八年進士

三山閣

達恭方丈與瀛州東引長江欲盡頭幾處壇場渾得

道萬家樓閣半封侯名園荔子嘗三熟負郭湖田插
兩收七百年來遺識事釣臺沙合瑞烟浮

三山志

范柔中

字元翼南城人元豐八年進士長於春秋學官
太學博士元祐間上書言事忤蔡京意被謫崇
寧中去黨籍賜歸柔中已死紹興初追贈直秘

書閣

麻姑山

嵐迎曉日碧烟收霜薄風清勝會遊虎駕不來空紫
府眞人應接又瀛洲巖前野草冬猶秀亭下飛泉凍

亦流他日卜鄰深有意竟湏平步揖浮邱

江西詩徵

劉正夫

字德初浙江西安人未冠入太學有聲與范致
虛吳材江嶼號四俊元豐八年進士徽宗時爲
左司諫官至少宰封康國公

宣妙院上方

水定浮春岫鴉盤落遠林上方鐘送夕隱几興何深
雲間志

薛昂

厲有

題萬竹山

萬竹山中數十家重重汎水遠桑麻飽煖鼓腹成何事桃李春來任自花

天台別編

太清軒

雨餘山色千螺翠風定湖光一鑑明我是水晶宮裏客暫來猶愛此軒清

題回山人畫像

道骨仙風一偉人相逢東老最情親榴皮幻化人間世藤葉牢籠物外身琉璃滿壺方丈曉青蛇銜袖洞庭春高名不朽垂千古笑指西鄰幾刦塵

以上東林山志

黃玠

元豐八年以朝散郎通判台州

題玉泉

水性能方圓泉色常珪璧雲山靜有輝瓊液來無迹
泉上修禪人曹溪分一滴鑑止更澄源紛紛萬緣息

張楚民

蜀人俞子元豐中進士

香積山

香山正在岷山麓一派流泉萬竿竹

輿地紀勝

宋詩紀事補遺二十四男侍讀銜內閣中書樹藩校

宋詩紀事補遺卷之二十五

歸安陸心源伯

楊庭傑

字子厚眉州人元豐中進士官石鏡令境內稱
治累官朝散大夫知巴州軍州事

提刑都講彌賜題古楠寺佳篇伏讀翫味詞
旨豪肆感歎戰汗不揆淺拙仰次嚴韵

城南古寺舊林泉使馭觀遊絕頂巔幸綴華軒到清
境深慚凡骨逐真仙是日落後車同遊不愁落日歸鞍促更
許新詩翠石鏤猶有題名千載後與他巴水字相連

後月餘因用前韵

谷隱梗楠澗有泉煙村幽曠遠缺難盡雞犬時來亦
恐仙危壁謾缺是五丁鏽回歸未出深巖半下缺

李翔

字仲覽湖北興國人元豐進士博學工吟咏東
坡謫黃州每訪之作懷坡閣以寓思慕之意

鑑湖亭

古寺蕭蕭愁思濃檻荷高下望秋風一塵不到眞幽
處萬象都含清景中但見溪光來遠近畧無雲氣礙

虛空誰知刺史標民意一片靈臺事事通

湖北詩徵傳畧

李彥弼

厲有

同曹聖延遊風洞及七星觀遂成長句三十

韵

文英子建聲華烜少陵嘗詠波瀾闊退流亹亹鍾宜
春觀君紫芝真秀拔華山綠耳汗血孫奚取王良手
口抹駿駿凌厲追遺風胡爲頓縷馳駱越誰嗟長庚
有寒裔壯齡直欲排紫闈初從附風矯飛翔晚乃射
虎耽疎豁強顏方喜安斗筲稟分何能愧圭撮胷中
琳琅茀埃塈自憇鉉鋒乏破割時過西隣斬發藥雷

引玉泉澆肺渴新商執矩早威令甘露騰虛灌虐魃
約君飄亮泛滄漪背負青天無天闕風來空穴襲髮
毛刷腋涼颺振繩葛冷然便擬列子遊不得別起青
蘋末徐濟七星趾山椒杓魁敲虛狀旋斡近君白雪
熱何有高談一激錐囊脫扳肩作者古蹊徑餘事篇
章隨擊鉢盤趺不減二華君日月二華君棲霞洞在風洞之北妙闍
枯碁戰挑指光駟搖蹤莫可留四序翩翩幾箭筈頃
看金柳流鶯鳴俄聽玉露叢蟬聒清輝默韵無絃琴
烏用檀槽揮一抹我方騷愁愁到骨潛睨蠹蟬眉目
緇徒操詩窮擁鼻吟無或酒酣將月喝平生剛腸久

己屈賴爾匹夫難志奪故交紛紛翔赤霄大鈞播物
昭窮達德尊一代元坎坷儒腐百年決麤櫓南溟垂
翹雲翼收北窗點臥霜鬚捋病馬猶期春草長涸魚
終需江水活君行趨覲長安日軼興橫秋疇可遏公
卿傾風定援手鴻造機緘由一撥江湖要作迥相忘
靜言可笑相濡沫廣西通金石志

滕甫

厲有

字元發後改字達道以字爲名東陽人元豐中
尚書禮部侍郎知池州宋史三百三十二有傳
送程給事知越州

又領州麾過故鄉誰憐肝膽異班行患銷南海城先
真氣壓胡天國自強造膝華褒輝黼黻跋朝佳句敵
琳琅聖君求治如星火休鬪新詩萬丈光

會稽掇英集

浮雲樓

舉頭便是長安日弄袖時飄夢澤風茂苑久拋飛鳥
外楚臺遙在碧雲中

輿地紀勝

王彥輔

鄖溪人元豐中丞議郎巡舉收馬

過少林輒書四韵兼詒長老慶禾上

天上千巖碧林收曼古春靜中深有境險外絕無鄰

官牒嬰行色禪關脫世塵安心无覓處斷臂爲何人

石刻

王晳

字微之累官知汝州

劉忠肅集

元豐中尙書兵部郎

中集賢校理提點醴泉觀著有孫子注三卷

袁本

郡齋讀書志

送程給事知越州

冰顏黑髮未應衰巨艦高旌使府威瓊闈領藩承韞
去繡衣過郡買臣歸湖山勝迹吟毫健風月良辰宴
羣飛金榜弟兄同舍長老年相別重依依

會稽掇英續集

王汾

字彥祖濟州鉅野人禹偁孫元豐中尚書祠部郎中充集賢校理知兗州見元祐黨人傳宋史附禹偁傳

送程給事知越州

名藩從古任惟良况復深嚴瑣闈郎夕拜更持仙殿筆畫歸仍綰會稽章詩編豈愧微之富杯酒應嗤賀監狂惠政相承今邵杜越人歌頌繼南陽會稽掇英續集

王臨厲有

宋史三百二十九附王廣淵傳

靈巖

瓶鉢飄然別帝鄉法音從此振東方黃龍山下傳心印白鶴泉邊起道場甘露無時皆一味旃檀何處不清香煩師更唱宗門曲兀脚龜毛任展張

靈巖集

王靖

字詹叔大名莘人旦孫元豐中尚書主客郎中權發遣開封府判官公事宋史附王素傳

送程給事知越州

蜀道新持使節優南昌更命按諸侯江山秀入行臺曉風月吟餘澤國秋寬弛茶租吳俗富興甞渠利晉

人謳送將莫訝遲留處浩穰敵喧訟牒稠

會稽掇英續集

王陟臣

字希叔宋州虞城人堯臣從弟見塵史元豐中
太常博士檢正中書吏房公事

送程給事知越州

出疆直欲請長纓絕域皆知鄭眾名擁節初聞歸禁
闈懷章非是厭承明浚虛觀閣仙鼇曉倒景湖山鑑
水清遙想蘭亭多勝集早傳佳句到都城

會稽掇英續集

王韶

字子純江州德安人元豐時仕終知洪州卒謚

襄敏宋史有傳

咏裕老菴前老松

綠皮皴剝玉嶙峋高節分明似古人解與乾坤生氣
概幾因風雨長精神裝添景物年年別掉闔窮愁日
日新惟有碧霄雲裏月共君孤坐最相親

復齋漫錄云王公韶少日讀書於廬山東裕老菴菴前有老松因賦此詩王湖公爲憲江東過而見之大加稱賞遂爲知己

程嗣弼

琳子永寧軍博野人以父蔭官國子博士見臨川集元豐中尚書虞部郎中管勾西京嵩山崇

朱註王十五
卷六
福宮

送程給事知越州

華宗晚貴派雖殊別圃留詩敘舊娛導水決謀摧宦
者宦官有言欲自滲水塘疏流入禁中以廢透槽爲利久不能議其可否公權判都水一言決之遂罷

尊君抗禮屈單于昨奉使首正坐次虜人甚屈日疏賓閣容談塵
秋過家山好鱠鱸宸眷許來應暮召不須久計戀東

吳會稽跋
英續集

章衡

字子平浦城人元豐中三司鹽鐵判官右司諫
直集賢院宋史二百四十七有傳

送程給事知越州

雅留威愛在南昌又拜新恩指舊棠一節帝頒嚴使
旆十州人喜擁壺漿影纓自結凝旒眷攬轡思澄插
筆鄉劉晏有材將大用豫章樓上急飛觴會稽報
英續集

張炎民

元豐中秘書丞充三班院主簿熙寧中知於潛
縣

送程給事知越州

威名嘗使虜人驚杖節還朝欲請纓三絕文章留麗
正一麾江海去承明夕闌入對虛青瑣晝錦行歸耀

絳旌秋雨尊
鱸厨膳美曉風饒
鼓使船輕鑑湖雲水
關心久違閣煙巒
炤眼清西省自應論
出守未容全
慰吏民情會稽掇英續集

韓宗古

真定人祖億父絳宋史有傳宗古元豐中大理
寺丞充館閣校勘判官誥院厯官奉議郎守秘
書丞見宋木五曹算經銜名

送程給事知越州

東渡吳江景氣清
拂雲樓閣會稽城
乍辭青瑣雙旌擁
重駕朱轓駟馬迎
應笑買臣夸郡邸
還同嚴助厭

承明茂林修竹山陰地何日陪公載酒行

會稽掇英續集

孫固

字和父鄭州管城人元豐中龍圖閣直學士右諫議大夫權知開封府宋史三百四十一有傳

送程給事知越州

朔南萬里使車馳忽得山陰虎節歸華省班聯青瑣貴故鄉心逐白雲飛江風雙槳催紅旆海日層樓倚翠微郡事迢遙吟醉裏老年行樂更光輝

東過錢塘第一州郡城高爽五雲浮會稽山碧人多秀賀監湖清月正秋偃息鄉邦如志意慰安雅俗自

風流朝廷賢舊方圖任只恐蓬萊得暫留

會稽掇英續集

元耆齋

蘇州人絳子元豐中累官大理評事監京西排

岸館閣校勘

王魏公人

送程給事知越州

請符又作浙東行六郡爭驅紺弩迎環佩聲回堯陛
遠旌旗光動禹川明山烘橘袖香浮席溪漲菰蒲翠
徹城人在蓬萊仍晝錦會稽故事兩兼榮

會稽掇英續集

陳一向

厲有

贈靈巖元長老

杖錫泡邊六月寒一泓泉鑑漱琅玕直疑夜半天風
起吹落仙人沉蓬盤

證明臺上玉爐烟童子生雲不計年對面飛橋架丹
壑此中別有一家山

濃嵐滴翠曉氤氳洗我塵襟一二分歸步惟來輕欲
舉朝衣猶帶北山雲

五花殿角片時間又被紅塵引出山第一山前聊駐
馬幾聲雞犬吠雲間靈巖集

陳康民

元豐中大理寺丞充都水監勾當公事

送程給事知越州

五羊城郭一朝新，歸作黃扉侍從臣。
暫向天邊辭禁闈，更於江外福吾民。
錦衣上塚鄉山曉，熊軾頒條驛路春。
不待期年應報政，卽看朝覲對嚴宸。

會稽縣
英續集

陳升之

初名旭，字暘叔，建陽人。累官鎮江軍節度使同平章事判揚州。初附王荊公，既爲相時爲小異，陽若不與之同者。時人謂之筌相。宋史三百十二有傳。

送程給事知越州

早年相契最綢繆垂老江城爲少留瀕海新城築金
壘瑣闈初遠遂延旒過家燕坐多賓樂到郡八餘放
吏休滿目湖山何處勝蓬萊高閣正清秋

會稽掇英續集

陳輔屬有

潤州

牛斗東邊窄三吳西角深山能醒客酒江會冷人心
句

雲樹天低楚烟汀地失吳

以上輿地紀勝卷七

梁父吟

梁父吟泰山之頂可埋金噫嘻蜀道徒崎嶇南風來

舜琴

梁父吟佳人未偶頻傷心四時有根秋偏深綠絲空
滿簪

自題所居

湖水山雲繞縣斜茂林修竹野人家宿醒過午無八
問臥聽東風掃落花

安石喪馬爲之設齋作詩戲之

舍識應爲獅子去却來重載法王身

以上京口著
舊傳卷三

何正臣

字君表臨江新淦人元豐中著作佐郎將作監

主簿宋史三百二十九有傳

送程給事知越州

史君承詔出黃扉急槳翩翩畫鷁飛天上鵠鸞驚暫別江邊猿鶴喜頻歸列城將吏瞻戎節夾道鄉人看錦衣今古蓬萊足吟詠更留風月待珠璣

立就金城漳海邊從來經制祇茫然一千里候無宵警十萬人家自晏眠異域早聞回陣馬將軍從此罷樓船功成事往翻然去用捨如公信可賢會稽報英續集

陳侗

睦弟字成伯第進士富弼知汝州辟爲從事元

豐中厯官太常丞集賢校理同知太常禮院衛
尉少卿知陝湖宣三州

題東老庵

我昔名東老君能老此庵溪風開梵帙巖月伴莊談
世味閒無着人情晚更諳蕭然塵外意回首謝圖南

東林山志

送程給事知越州

夕郎鄉思滿江皋晝錦東歸意氣豪侯國臺門牙戟
盛使君樓鰌隼旛高瑣窗暮入曾批敕旨殿晨趨罷
染毫曲水春風修禊飲臥龍山雨望秋濤蓄畧已有

金湯惠秦望應先袞綺寢莫戀蓬萊便棲志忙看拂

拭呂虔刀

會稽掇英續集

崔公度

字伯易高郵人口吃不能劇談而內絕敏元豐

中光祿寺丞充館閣校勘檢正中書禮房公事

宋史三百五十二有傳

送程給事知越州

江吳士氣久凋摧比見高牙擁詔同其喜識兵侔漢
相果聞持節過燕臺馳驅中禮戎心服顧盼生威虜
使猜所惜聖朝恩好重未容儒將盡餘才

朱轎所至藹徽音談笑金城億萬尋計壓南夷逐狡
穴官崇東省秀儒林過家鼓吹新儀盛拜寵朝廷此
意深聞說錢唐連得守非公誰慰粵人心

會稽掇英續集

齊恢

字熙業蒲陰人元豐中潁王府翊善守太常少

卿直昭文館宋史三百二十二有傳

送程給事知越州

外臺新命紫泥書牛斗星輝動使車聲訓舊孚千里
俗權綱今計九年儲羣姦破膽方銷縮列郡承風繫
慘舒最課行聞著成績入膺華選奉宸居

會稽掇英續集

齊謐

字子期，歷陽人。元豐中提舉廣西常平秘書丞。

曾公巖和陳倩韵

天作地藏知幾年。公來因得茂林間。誰言物外眞仙境。祇接人居近郭山。石乳望中蒼玉隊。泉源深處臥龍閑。行看再爲蒼生起。乘興從容口遠還。

老君巖次劉誼韵

巨石何年此結成。老君肖像亦強名。以身爲患言猶在。謾使時人分重輕。

巖前流水碧潺潺。鶴馭翩翩去弗還。堪笑世人求不

死豈知道在有無間

廣口通志金石

陳希伋

字思仲揭陽人元豐間兩冠鄉書元祐六年舉
經明行修時賜第者三百四十六人希伋爲第
一後知梅州軍事所著文四百餘篇號揭陽集

鳳樓樓

千載傳聞孰是非高梧修竹晚風微欲知古寺曾棲
鳳樓殿今無燕雀飛

蘇澥

字浩然號支離居士武功人舜元子以蔭爲大

廟齋郎元豐間秘閣校理江東提舉

國清寺

自嗟靈骨久埋渝惆悵當年舊事存青眼重開蕭寺
路無人隔院掃松門

大慈寺

身去寥寥無朕迹此時誰會真消息黃金靈骨今尚
存指示世人人不識天台續集

題石橋

遼雲靄翠疊重重直下雙溪擁霽虹榮辱自分山色
外利名不到水聲中清涼世界隨心現方廣樓臺遂

感通願侍千僧共談塵撥開陳障出樊籠

鮮于頡

元豐時人

靈巖

松門十里蒼山曲宮殿參差倚巖腹盤盤一逕入雲
中又登絕頂最高峯石壁蒼然起秋色遠溪深處時
聞鐘磴道崎危達巖下幾派清泉在澗瀉月色朦朧
出遠山忽驚星斗在簷前勸客遊來不知返清光皎
皎嚴霜寒一出禪林復回顧白雲已滿山頭路

靈巖集

熊本

字伯通鄱陽人元豐中尙書刑部員外郎知制誥司農寺卿宋史三百三十四有傳

送程給事知越州

龍節頒新命鸞臺輟侍臣詔開都督府寄重老成人
四紀文章伯三朝富貴身指麾清廟部談笑動殊鄰
麗正裁書久承明厭直頻銀黃鄉路晝襦袴屬城春
冠蓋傾吳會旌旗照海瀨溪藤閒得句雪舫夜留賓
夢想依青鎖風流喜紫萼會稽掇英續集

鍾浚

著作佐郎知涪州樂清縣魏公人元豐中秘書丞

權知將作監丞公事紹聖元年左朝請郎知湖州是年卒于任

送程給事知越州

過鄉畫錦剖符雄海上蓬萊第一宮自古勝遊矜物
外于今藩闢壓江東湖山清賞絕塵境風月高吟虛
訟箏促詔歸來如漢典出分千里入三公會稽報
英續集

朱素

字履常元豐中瑞安令

與介夫同遊翠陰洞

小洞隱遙岑松蘿翠復陰遊人曾不到不信白雲深

李駒

四川唐安人嘗從司馬溫公於洛當時大老皆喜之父太臨宋史有傳元豐中知洋州綿竹縣見淨德人四年左奉議郎通判達州見雞肋集晁夫人墓誌崇寧二年朝散郎通判秦州見石刻後知洋州

草堂

入門修竹聳琅玕坐久香風拂畫欄春色正濃雙檜靜朝光初上一峯寒草堂圭峯最爲曉絕翠縈虛室塵襟閑冷

逼疎窗夜夢殘物外閑心殊未愜殷勤重上白雲端

宿紫閣

石磴溪橋傍翠巒分明深入畫圖間遠饒禪刹疑無

景南山諸寺惟紫閣爲冠

迥出羣峯別有山仙掌數尖特在羣峯之外微雨

欲來雲影亂輕風不斷鳥聲閑嵐光可是清人骨更待中宵一夢還

雨後紫閣晚望

小雨初回作暮寒斷崖壁立夕陽間一襟清興無人語旋拂禪牀臥看山

雲際院

蔽日芳林迷去路
被蹊落葉誤行蹤
轉巖却見層巒

出知是仙山第幾重

寺前大頂山
極爲峭拔

長嘯洞

西風壁立蒼崖瘦
一水湍流怒浪翻
雲外不須求紫府
祇應此景是桃源

宿重雲山寺

漸侵晚景尤便靜
不出忙中豈愛閒
休問驛鷗與鼉鵠
會須投紱老青山

重雲道中海棠

萬點梢頭爛曉霞
謾隨閑世鬪春華
孤根自是生窮窮

僻未必輕輸別圃花

宿白雲明日之鄖縣

蔽空穠綠門前路匝地疎苗戶外村甃宿雲房叩虛寂紅塵意味不堪論

渼陂

望極空濛清滿懷更尋遺跡步高臺日斜林杪增光
去風靜山尖倒影來萬頃澄灘春漲碧一川秀色暝
陰開坐中自有江湖興未放陂南畫舸同以上金石萃編

朱肱

元豐中尚書兵部郎中判三司憑由理欠司

送程給事知越州

四官江左皆才選去愛存懷率在民使者今持丹鳳
詔使君新駕兩朱輪舊時再訪鍾陵草和氣重舒澤
國春解橐莫爲遲久計甘泉延閣待名臣

會稽掇英續集

周邦彥

厲有

僊杏山

僊人藥光明衣獨種杏碧山如種玉春風裂石鳳收
花赤頰離離照山谷鄉雲承日作陰潤猛虎守山防
採斸高莫筐篚入時貢拜望通明薦新熟珠旄領首
一破顏氣壓蟠桃羞若木自從移植近星榆山水無

光靈鬼哭長松枯倒流液盡搘頸牽藤多撲漱我思
百年訪靈異羽褐雖存言語俗本非民土宰官身欲
斷人間烟火穀行尋幽洞覓丹砂倘見臞仙騎白鹿
便應執帚洗仙壇不用纖纖掃塵竹

景定建康志

贈常熟賀公叔隱士

懷珠崖不枯蘚玉山有輝隱翳不言德人自知神奇
公叔季真後不爲世網縻浮沈里閭間身晦道同肥
弓旌搜俊良圭衡畧無遺難偕集雍鷺巒作曳尾龜
慈仁蓋天性惠澤施鰥嫠倒囷食流冗死葬病有醫
人今泣遺愛若見峴首碑肯構有材子修德亦庶幾

高風自茲顯豈病知者希

琴川志

杜叔元

字君懿四川成都人累官宣州通判元豐中尚書都官郎中善書學李建中法見東坡集梅宛陵人太平府志流寓杜僕傳

送程給事知越州

朝開劍外夙行輒夕喜江西改命優已有才名喧北省又宣風化入南州一城民吏迎前牧滿眼山川是舊遊君富機籌足餘暇清吟不負物華樓會稽掇英續集

林慮

處字德祖福建福清人幼穎悟元豐中試太學
第一連黜于禮部紹聖四年始登進士教授常
州遷揚州擢河北西路提舉學事除開封府左
司錄時府尹以伎倖進遂納祿去歸隱大雲境
號大雲翁著有大雲集西漢詔令

虎邱

我公道德祖東邱志小全吳見此游遠意最稱包萬
里佳名直欲付千秋眷憐今日踰文獻友愛終身負
道州扶病強隨都騎去回腸百折伴江流虎邱志

宋詩紀事補遺二十五男侍讀衡內閣中書樹藩校